



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj predmeta: UP-I-KSI-09-05/25

Datum: 23.09.2025. godine

Na osnovu člana 25. stav (1) tačka a) i b), člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“, broj: 19/21), Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane [REDACTED] [REDACTED] Brčko, nosioca javne funkcije, [REDACTED], na 130. sjednici, održanoj dana 23.09.2025. godine, donosi

RJEŠENJE

1. UTVRĐUJE SE da je [REDACTED], kao nosilac javne funkcije, postupila protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine na način da u roku od 30 dana od dana stupanja na javnu funkciju, Komisiji za odlučivanje o sukobu interesa nije podnijela izvještaj o imovinskom stanju nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, [REDACTED] se shodno članu 39. stav (1) tačka b) Zakona izriče novčana kazna, i to obustavom dijela isplate naknade, koju nosilac javne funkcije prima za obavljanje javne funkcije u iznosu od 20% (dvadeset posto) neto naknade.

Образложење

[REDACTED], obnaša javnu funkciju [REDACTED] na osnovu Odluke o imenovanju [REDACTED], te je shodno članu 2. stav (1) tačka b) i tačka c) Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana je u Registar javnih funkcija i nosilaca javnih funkcija.

Shodno Zakonu „javna funkcija“ je funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta BiH, odnosno Vlada Brčko distrikta BiH, ukoliko drugim zakonom nije drugačije propisano, a „nosilac javne funkcije“ je izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili

imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Prilikom uvida u Registar javnih funkcija Komisije za odlučivanje o sukobu interesa kao i dostavljenih podataka od strane Skupštine Brčko distrikta BiH uočeno je da [REDACTED], javnu funkciju člana [REDACTED], obavlja na osnovu Odluke o imenovanju [REDACTED], u četverogodišnjem mandatu, u periodu od [REDACTED]. godine do [REDACTED]. godine, te da Komisiji za odlučivanje o sukobu interesa Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, nije dostavljen u zakonskom roku od 30 dana od dana stupanja na javnu funkciju, nego je isti dostavljen 20.05.2025. godine, sa zakašnjenjem od oko 60 dana.

Shodno navedenom, Komisija za odlučivanje o sukobu interesa je dana 07.07.2025. godine, po službenoj dužnosti, zaključkom broj: [REDACTED] pokrenula postupak protiv nosioca javne funkcije, [REDACTED] Brčko, [REDACTED], radi sumnje da nije dostavila Komisiji za odlučivanje o sukobu interesa Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, u roku od 30 dana od dana stupanja na javnu funkciju, čime je postupila protivno odredbama člana 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim Zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana prijema zaključka.

Nakon prijema Zaključka o pokretanju postupka broj: [REDACTED] godine, zaprimljenog dana 09.07.2025. godine, [REDACTED], nosilac javne funkcije, član [REDACTED], dana 21.07.2025. godine dostavila je Komisiji Izjašnjenje u kojem je navela da je ovo prvo imenovanje u Komisiju, te da nije imala saznanja o obavezi podnošenja Imovinskog izvještaja nakon samog imenovanja na javnu funkciju. Nadalje, navodi da je dana 08.05.2025. godine od strane Skupštine Brčko distrikta dobila informaciju da se kao član [REDACTED] -u skladu sa Zakonom o sprečavanju sukoba interesa u institucijama Brčko distrikta BiH, smatra nosiocem javne funkcije, te da ima obavezu da Komisiji u roku od 30 dana od dana stupanja na javnu funkciju podnese Izvještaj o imovinskom stanju za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kad je izabran, odnosno imenovan. Takođe navodi da je uredno popunjen Aneks II dostavila Komisiji 20.05.2025. godine, i da propust nije bio namjeran, već isključivo nesporazum i neinformisanost u samoj proceduri.

Član 19. stav (1) Zakona o sprečavanju sukoba interesa u institucijama Brčko distrikta BiH, propisuje da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovini, za sebe i bračnog i vanbračnog druga, djecu, druge članove porodičnog domaćinstva kao i lica prema kojim nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan.

Primjenom navedene zakonske odredbe na utvrđeno činjenično stanje, ocijenjeno je da u konkretnom slučaju postoji povreda Zakona, s obzirom na to da [REDACTED], kao nosilac javne funkcije u roku od 30 dana od dana stupanja na javnu funkciju nije dostavila Komisiji za odlučivanje

o sukobu interesa Izvještaj o imovinskom stanju na Obrascu o imovinskom stanju nosioca javne funkcije, bračnog i vanbračnog druga, djece i drugih članova domaćinstva kao i lica prema kojima nosilac javne funkcije ima zakonsku obavezu izdržavanja, čime je postupila protivno gore navedenoj zakonskoj odredbi.

Član 38. Zakona propisuje kazne nosiocu javne funkcije koji postupi suprotno članu 19. Zakona o sprečavanju sukoba interesa u institucijama Brčko distrikta Bosne i Hercegovine, dok su članom 39. Zakona propisane novčane kazne nosiocu javne funkcije koji postupi suprotno odredbama člana 19. Zakona.

Komisija je, shodno članu 39. Zakona o sprečavanju sukoba interesa u institucijama Brčko distrikta BiH, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona.

Komisija je cijenila činjenicu da je [REDAKTIRANO], nosilac javne funkcije, a kako je navela i u izjašnjenju, nenamjerno propustila da podnese Komisiji Izvještaj o imovinskom stanju u roku od 30 dana od dana imenovanja na javnu funkciju, te činjenicu da je [REDAKTIRANO] prvi put imenovana za nosioca javne funkcije kao član [REDAKTIRANO] i da nije bila upoznata sa zakonskim obavezama koje kao nosilac javne funkcije treba da izvrši. Sa druge strane Komisija je imala u vidu da je za Zakon o sprečavanju sukoba interesa u institucijama Brčko distrikta Bosne i Hercegovine stupio na snagu 10.04.2021. godine, te da je od juna 2021. godine formirana i počela sa radom Komisija za odlučivanje o sukobu interesa, pa je cijeneći ponašanje imenovane prema povredi odredaba Zakona kao i opredijeljenost imenovane da postupi u skladu sa Zakonom, te otkloni razloge koje su je doveli do kršenja Zakona, Komisija je na osnovu svega navedenog odlučila da se izrekne novčana kazna obustavom dijela isplate neto mjesečne naknade koju nosilac javne funkcije prima za obavljanje javne funkcije u iznosu od 20% (dvadeset posto) neto naknade, kako je to navedeno u izreci rješenja i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4. 25. i 39. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik
Komisije za odlučivanje o sukobu interesa

Admira Mujić, dipl.pravnik

Dostaviti:

- [REDAKTIRANO]
- Evidenciji i
 - Arhivi.